



235

58

QVÆSTIO MEDICA

QUODLIBETARIIS DISPUTATIONIBUS

manè discutienda in Scholis Medicorum

die Jovis 28. Novembris.

M. RENATO CHAUVEL, Doctore
Medico, Præside.*An ab uterino fermento menstruorum fluxus?*

I.

CORPORIS nostri mirā compagō naturæ sanè gaudentis opus, in eo principiorum inter se dissidentium, tot tamque diversarum partium nexus unus, consensus unus, actus unus, ipsius magnum solertiæ miraculum est. Quid nutritione elegantius? quid accretione jucundius? quid generatione grandius? verbo dicam, unaquæque pars suas habet admirationes. Hæreat quisquam qui naturæ mysteria perscrutans fermentationum effervescentiarumque modos ignorat, quarum ope omnia perficiuntur. Ipsa vita effervescentia est, quâ durante vivit animal, cessante mors est: quies enim motui opposita. Moveretur animal dum spirat & vivit, informante scilicet animâ cujus instrumenta sunt fermenta ubique posita. Atomos igneas, lucem, spiritus vivificos, salia acidia simplicia appelles si volueris, nihili planè refert. χύμους, αἷμα, ἰμύλους, fermentationum sunt modi. Ad quascumque corporis partes appellat sanguis, hæc suscipiant, ulterius concoquant, ipso alantur, succus putissimus transcoletur, arteriarum ope ad caputellum usque evehatur, ibi ignis naturam induat, quâ possit in instanti ad remotiores usque partes per oculi aciem fugientes ductus deferri: hæc omnia fermentationibus atque effervescentiis, hæc fermentorum vi absolvuntur. Nec adeo multa, unaquæque pars suo non caret fermento, in qua effervesceat aliquis humor, eoque efficaciori, quò majus inde sequitur totius detrimentum, aut utilitas.

FERMENTIS omnia plena, testantur tot mirabiles mutationes, tot periodici, intestinique ejusdem mixti partium motus. Hinc plantarum germinationes, fructuum maturaciones, res denique pœnè omnes suas habent perfectiones, suas nanciscuntur fecunditates: in hoc tamen minor, in illo major nunc soluta, nunc sopita reperitur copia, pro diversa principiorum connexione compositique dignitate. Animalium corpora iis redundare quis inficias ibit? Siste gradum. Rapidiores humorum spirituumque motus vide? Aspice sanguinis æstus, nec non præstantiores vitæ calorisque functiones? Ventriculum, hepar, lienem adi? Cor ipsum ingredi? ad cerebrum ascende? Cerrè ab ipso vitæ exordio ad metam usque, infinitos propemodum fermentationum effervescentiarumque modos numerare tibi otioso facile erit. Aëra pulsas, qui tamdiu effervescentias loqueris, nec fermenta nosti, Quis vero fermenta novit? Enigmaticè loquuntur sanè qui qualitatem ignotam, ignem fortem, solis filium, aut spiritum masculum, qui sedem in aëre habet & quem ventus in ventre suo portat, aut lucem fermentum appellant; atque laconicis istis verbis & luce suâ rem potius obscurant quam ei nitorem ullum afferant. Qui salia acida simplicia, spiritus vivificos, atomos igneas, fermenta dixere, scopum attingisse pro certo putant. Sed quid in verbis ludere, modò de re constat. Perinde est, sive salia acida simplicia, sive spiritus vivificos aut atomos igneas appellaveris. Tenuius est illud, salinam inter & ignitam naturam obtinens, cæteras mixti partes in motum concitans: putes tamen non ejusdem esse semper indolis. Aliud sanguini perficiendo, in varios liquores transmutando, aliud ipsum à particulis excrementitiis liberando inservit. Hinc actionum functionumque diversitas.

I I I.

GENITALIA maximè muliebria particulis fermentativis multum turgere satis superque arguit, quæ sit in iisdem partibus, statis temporibus effervescentia; inde vasorum ruptio; mox sanguinis effluxus. Sit viro matura mulier, & plena nubilis annis, uteri ampliantur vasa, incipitque salax non injucundè furere. Vide fermentativa illa principia salina ignitave ad hoc usque tempus cum aliis concatenata, viribus destituta nec dum sui juris, leniter primo sese commovere, mox gradum properare, ac demum uterinas partes mirum in modum exagitantia vasorum uteri ora tandem subire, referare, sicque liberum sanguini à fermenti vi ebullienti exitum permittentia, certis in posterum periodis, eodem quo cœpit pede erupturo, totum menstruæ purgationis negotium absolvere. Eadem promiscuè vices non subeunt tamen mulieres quæcumque: hæc citius, illa ferius, nunc largiori, modo parciore copiâ, etiam aliquando nullâ repurgatur. Magnum ad illud habent momentum, ætas, regio, temperamentum, corporis habitudo, maximum, fermenti indoles, & sanguinis dispositio. Verulæ, juniores nec adhuc puberes, nunquam: nutrices, prægnantes, rarissimè; amazones, spartanæ, castrenses, pituitosæ, protus inertes, aut

3
durius laboribus. urbanis molliorem jucundamque vitam agentibus, biliosis minorem experiuntur menstruam purgationem.

I V.

O MNIMUM ferè quæ mulieri accidunt fons fomesque uterus; ita ut quidquid in illà cuditur vel boni vel mali, sit in utero aut ab utero. Nec plura. Mulier propter uterum mulier, seu naturæ in ipsam velut novercantis infirmitatum omnium hæres. Est tamen mulier *καλοῖ τιμή*, & malum apperibile. Sexus infelix tamen, qui ut sis felix tot exoptas experiri mala! quæ negat esse mater? factæ matri, inappetentiæ, nausæ, vomitus, febres, novimestre pondus nullà non curâ servandum. Parturit ecce: (proh dolor!) Verum quid non accipit incommodi à periodicâ sanguinis despumatione? quid non periculi ab impedita? maximum à nullâ. Menstruatur: ecce ebullit furitque sanguis: adfunt lumborum gravitas; ventris imi tormenta: uno verbo dolet uterus, imminente scilicet sanguinis eruptione, quæ dum sit diceret victimam mactatam: Cruentas tamen illas tragædias unus excitat uterus, in quo incipere & fieri qui negaverit, dicat cur non febricitet menstruata mulier: malè morata nisi fuerit nunquam totus ebullit sanguis, sed solum qui uterum alluens ipsius fermento commiscetur. Age porro: Cur ei quæ nullam unquam excepit purgationem per uterum potius quam per aliam partem, in posterum iteranda sit eruptio? Ne suum sanguini *ἵππευτον* demas, ne naturam ignores. Quid aliud enim effervesce quam moveri. nec dum melius censes qui absque fermento seu principio activo & movente quidquam effervesce existimas.

V.

MENSTRUUM sanguinem maligno aliquo viru inquinatum, specula iusficere stirpes enecare, eboris candorem obscurare, canes in rabiem agere qui dicit fabulam narrat. Miser homo! cujus esset primum nutrimentum, venenum! infelix & fugienda mulier, venenatum animal, nequaquam sanè, res aliter se habet. Sanguinis moles oculis tantum homogenea, diversis, inter se tamen consentientibus principiis constat, ita ut dum nihil extranei in se recipit, eadem sit illius morûs perennitas; hinc sanitas integra: verum heu! quam paucis purus, sincerusque servatur liquor ille, præ gemmis & auro alioquin servandus. Intrò, foris parantur insidiæ: quot enim intus corrupti liquores, fermentis analogi sanguini permiscentur: inde morborum ilias. Quid non metuendum à partis aliquis fermento aut corrupto, aut penitus destructo? interdum cruoris molem non sine periculo exagitat, ac læpissime torius perniciem molitur. Nec adhuc dubites extraneas partes sanguini immisceri; nec putes tamen ejusdem esse indolis. Aliæ corruptelâ ipsum inquinant, aliæ conciliant ei puritatem: quæ sanguinis muliebris periodica despumatio instituitur, indicio est. Hæc inutilis, nisi cedat in fœtus commodum. Verum hujusce constantis fluxûs non ita laetetur causa, ut, illam qui investigat, æstuantis oceanus reciproci motus originem indagare videatur. Iners mulierum vita nullatenus accusanda. An lunæ imperium? abditane & occulta qualitas? com-

mentum. Latet anguis in herbâ, uterus ipse est accusandus, cuius peculiare fermentum unâ cum singulari texturâ quis non miretur? ab hoc ritè disposito faciei color floridus ac elegans, calor vegetus, fundi muliebris fecunditas: quin & à salinis ignitisque illius particulis ad volatilisationem tendentibus uteri vasa statis temporibus referantur; sanguis quâ datâ portâ ruit.

Ergo ab uterino fermento menstruorum fluxus.

DOMINI DOCTORES DISPUTATURI.

*M. Renatus Chauvel, Praeses. M. Ludovicus Labbé. M. Iohannes-Baptista de Reuclot.
M. Petrus-Paulus Guyart. M. Andræus Enguehard. M. Edmundus Charrier.
M. Franciscus Lerat. M. Franciscus Girard. M. Raphaëlus Maurin.*

Proponebat Parisiis RODOLPHUS OREN, Aremoricus, Baccalaureus
Medicus. A. R. S. H. 1680.

PARISIIS,

Apud Franciscum Muguet, Regis & Facultatis Medicinæ
Typographum.